

VENDIM
Nr. 149, datë 28.9.2017

**MBI MIRATIMIN E KËRKESËS SË SHOQËRISË “DITEKO” SHPK, PËR BARRËSIM TË
ASETEVE TË KOMPANISË (PAJISJET ELEKTROMEKANIKE) NË FAVOR TË
BANKËS KOMBËTARE TREGTARE SHA**

Në mbështetje të neneve 16 dhe 44, pika 1, të ligjit nr. 43/2015, “Për sektorin e energjisë elektrike”, neneve 6; 7 dhe 8, të “Rregullores së procedurave të transferimit të aseteve nga të licencuarit”, miratuar me vendimin nr. 119, datë 21.7.2016 të bordit të ERE-s, si dhe të pikave 1.3 dhe 1.6 të licencës për prodhimin e energjisë elektrike dhe nenit 19 të “Rregullores për organizimin, funksionimin dhe procedurat e ERE-s”, miratuar me vendimin e bordit të ERE-s nr. 96, datë 17.6.2016, Bordi i Entit Rregullator të Energjisë (ERE), në mbledhjen e tij të datës 28.9.2017, mbasi shqyrtoi relacionin mbi kërkesën e shoqërisë “Diteko” sh.p.k., për barrësim të aseteve të kompanisë (pajisjet elektromekanike), në favor të “Bankës Kombëtare Tregtare” sh.a., të përgatitur nga Drejtoria e Licencimit dhe e Monitorimit të Tregut,

konstatoi se:

Shoqëria “Diteko” sh.p.k., me shkresën e datës 3.5.2017, protokolluar në ERE, me nr. 364 prot., datë 4.5.2017, ka paraqitur kërkesën për barrësimin e aseteve të saj (pajisjet elektromekanike).

Me vendimin nr. 84, datë 7.6.2017, bordi i ERE-s ka vendosur: “Të fillojë procedurën për shqyrtimin e kërkesës së shoqërisë “Diteko” sh.p.k., për lënien peng të aseteve që i shërbejnë aktivitetit për të cilin është licencuar, në favor të “Bankës Kombëtare Tregtare” sh.a.”.

Shoqërisë “Diteko” sh.p.k., me shkresën nr. 364/1 prot., datë 14.6.2017, iu bë me dije mungesa e dokumentacionit që u konstatua në aplikim, si dhe detyrimet e prapambetura të pagesave të rregullimit në ERE.

Me shkresën nr. 364/2 (prot. i ERE-s), datë 11.7.2017, kjo shoqëri përcolli në ERE plotësim dokumentacioni për aplikimin e kryer.

Me shkresat nr. 364/3 prot., datë 26.7.2017 dhe nr. 364/4 prot., datë 22.8.2017, ERE i ka bërë me dije shoqërisë mangësitë në dokumentet e kërkuara nga rregullorja.

Shoqëria “Diteko” sh.p.k., me shkresën me nr. 364/5 (prot. i ERE-s) datë 21.9.2017, ka përcjellë dokumentacionin e munguar, si dhe ka kryer pagesat e rregullimit të prapambetur, duke u legjitimuar për mbylljen e procesit të miratimit të aplikimit nga bordi i ERE-s.

Aplikimi i shoqërisë “Diteko” sh.p.k. plotëson tërësisht kërkesat e parashikuara nga ERE, në “Rregulloren për procedurat e transferimit të aseteve nga të licencuarit”, si më poshtë:

- Neni 7, pika 1, gjerat “a”, “b”, “c”, “e”, “h”, “i”, është plotësuar në mënyrë korrekte.

- Neni 7, pika 3. Subjektet koncesionare të licencuara, të cilat aplikojnë për miratimin e transferimit të aseteve në ERE, duhet të shprehin në formë të shkruar në marrëveshjen e transferimit të aseteve, detyrimet me të cilat ngarkohen për shkak të marrëveshjes së koncesionit e pjesët që transferojnë te përfituesi. Kjo përfshin edhe informimin e autoriteti shtetëror, në lidhje me qëllimin e transferimit të aseteve, plotësuar.

Për gjithë sa më sipër, bordi i ERE-s

VENDOSI:

1. Të miratojë kërkesën e shoqërisë “Diteko” sh.p.k., për barrësim të aseteve të kompanisë (pajisjet elektromekanike) në favor të “Bankës Kombëtare Tregtare” sh.a., bashkëlidhur.

2. Drejtoria e Licencimit dhe e Monitorimit të Tregut, të njoftojë aplikuesin për vendimin e bordit të ERE-s.

Ky vendim hyn në fuqi menjëherë.

Ky vendim botohet në Fletoren Zyrtare.

Ky vendim mund të ankimohet në Gjykatën Administrative Tiranë, brenda 30 ditëve kalendarike nga botimi në Fletoren Zyrtare.

KRYETARI

Petrit Ahmeti

1. “Turbinë hidraulike Pelton”, tipi Vertical - Six Nozzles, numër serial; 1304 (Unit 1), 1305 (Unit 2), 1306 (Unit 3) me karakteristikat: $H=170,0$ m; $Q=3,5$ m³/s; shpejtësi = 900 rpm ; me fuqi $P_t=4,983.3$ kw, dhe peshë 38.97 tonë, prodhuar nga shoqëria “Hydro Energia s.r.l”, ndërtuar në vitin 2016.

2. “Gjenerator Sincroni”, tipi MJHT 1250 M12, Three Phase Synchronous/Vertical: numër serial: MD16925 (UNIT 1); MD17240 (UNIT 2); MD17375 (UNIT 3); pesha 42.5 tonë, shpejtësia 500 rpm, fuqia 6,200 kVA, frekuenca 50 Hz, tipi: Marelli Motori s.p.a. Arsignauo (vl), Italy, viti i prodhimit 2016;

3. “Grup transformatorësh”, tipi NWE AL-AL PN PN, Oil Submerged, prodhuar nga: Newton Transformatori s.p.a. Poggibonsi (SI)- Itali, numër serial: 38856 (Unit 1); 38857 (Unit 2); 38858 (Unit 3); fuqia 6.300 kVA; voltazh: primari 35kv, sekundari 6,000 V, frekuenca 50 Hz, pesha 10.8 tonë, viti i prodhimit 2016;

4. “Transformator shërbimi”, tipi NWE - NTR PN AL-AL, prodhuar nga: Newton Trasformatori s.p.a. Poggibonsi (SI) - Italy; numër serial 39784; voltazh: primari $35\pm 2 \times 2.5\%$ kv dhe sekundax 400V; frekuenca 50Hz, pesha 1.0 ton, prodhuar në vitin 2016.

5. “Valvul makine”, tipi Butterfly, prodhuar nga VAG Valvole Itaha s.r.l., Sa Giuliano Milanese (MI) - Itali. Numër serial: 53224480/1 (njësia 1), 53224480/2 (njësia 2), dhe 53224480/3 (njësia 3), pesha 4.2 tonë, presioni PN 25, madhësia DN 1,000, vlerësimi i shkarkimit 3.5 m³/s, shkarkimi max 4.0 m³/s, prodhuar në vitin 2016, si dhe të gjithë aksesoret dhe pjesët e tjera përbërëse të tij.

6. “Njësia e fuqisë hidraulike”, prodhuar nga ARCO s.p.a., Lece, Itali. Numër serial B28115 (njësia 1), B2821S (njësia 2) dhe B28315 (njësia 3), pesha 1.0 ton, presioni i vajit 30/80 bar (valvul turbine), prodhuar në vitin 2016.

7. “Kuahri (bordi) i tensionit të mesëm”, tipi Miniblock-636, prodhuar nga IME Quadri Duestelle s.p.a., Ugnano (BG) Itali. Numër serial DWG 728/15-304, pesha 6.46 tonë, tension i vlerësuar 35 kV, tendon izolimi 36 kV, prodhuar në vitin 2016.

8. “Kuahri (bordi) i tensionit të mesëm”, tipi Rotoblock; prodhuar nga IME Quadro s.p.a. Milano, Itali. Numër serial DWG 728/15-402, pesha 1.15 tonë, tendon i vlerësuar 6 kV; tendon izolimi 12 kV, prodhuar në vitin 2016.

9. “Kuahër baterie - bordi i drejtpërdrejtë (DCB)”, tipi RECT. COMPACT2R-PLUS 110/70+70/SP; prodhuar nga MTS Multiservice S.trc Bankcole (MN), Itah. Numër serial 25870516, pesha 1.1 tonë, Tipi i baterisë EXIDE VRLA, capadteti 195 Ah, tensioni i vlerësuar 110 VDC, prodhuar në vitin 2016.